



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**ODLUKA**  
***O DODJELI NAGRADE „SARAJEVSKA PAHULJICA“ GRUPI***  
***(prijedlog)***

*Predlagač: Komisija za izbor i imenovanja*

*Obradivač: Stručna služba za poslove Gradskog vijeća*

*Sarajevo, februar 2023. godine*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 - Prečišćeni tekst) i člana 15. stav 2., a u vezi sa članovima 10., 12. i 13. Odluke o priznanjima i nagradi Grada Sarajeva („Službene novine Kantona Sarajevo“, br. 34/10 - Prečišćeni tekst, 14/14, 31/14, 11/20 i 16/22), Gradsko vijeće Grada Sarajeva na \_\_ sjednici održanoj dana \_\_. \_\_. 2023. godine, donijelo je

*(prijedlog)*

## **ODLUKU**

### ***O DODJELI NAGRADE „SARAJEVSKA PAHULJICA“ GRUPI***

#### **Član 1.**

Dobitnik Nagrade „Sarajevska pahuljica“ je grupa koju čine učenice i učenici Druge gimnazije Sarajevo, i to: *Matea Šarkinović, Mona Husein, Soraja Salčin, Kamran Karić, Ammar Pašanović, Ian Lalić i Rijad Pejkušić, tim Druge gimnazije Sarajevo na STEM olimpijadi u Frankfurtu 2022.*

#### **Član 2.**

Nagrada se dodjeljuje u obliku diplome uz novčanu nagradu.

#### **Član 3.**

Nagrada se uručuje se na Svečanoj sjednici Gradskog vijeća Grada Sarajeva.

#### **Član 4.**

Ova Odluka stupa na snagu danom donošenja, a objavit će se u «Službenim novinama Kantona Sarajevo».

***PREDSJEDAVAJUĆI GRADSKOG VIJEĆA***

*Jasmin Ademović*

Broj: 01-GV-02- /23  
Sarajevo, \_\_. \_\_. 2023. godine



## **OBRAZLOŽENJE**

### **PRAVNI OSNOV**

Pravni osnov za donošenje ove odluke sadržan je u članu 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 - Prečišćeni tekst) kojim su utvrđene nadležnosti Gradskog vijeća Grada Sarajeva za donošenje odluka o priznanjima i nagradi Grada Sarajeva.

Članom 15. stav 2. Odluke o priznanjima i nagradi Grada Sarajeva („Službene novine Kantona Sarajevo“, br. 34/10 - Prečišćeni tekst, 14/14, 31/14, 11/20 i 16/22) propisano je da Gradsko vijeće donosi odluku o dodjeli Nagrade.

U članu 10. stav 1. Odluke o priznanjima i nagradi Grada Sarajeva („Službene novine Kantona Sarajevo“, broj 34/10 – Prečišćeni tekst, 14/14, 31/14, 11/20 i 16/22) je propisano da je Sarajevska pahuljica Nagrada koja se dodjeljuje mladim osobama u životnoj dobi do navršениh 30 godina starosti, te redovnim učenicima i studentima sa područja Grada Sarajeva, kao pojedincima i grupama, koji su ostvarili izuzetne rezultate na očuvanju i unaprjeđenju općedruštvenih vrijednosti, kao i u nastavnim i vannastavnim aktivnostima (borba protiv droge, nasilja u porodici, svih vrsta diskriminacije; zalaganje za mir, suživot, demokratiju; postignuti uspjesi na takmičenjima u oblasti, nauke, kulture, sporta i sl.), dok je u stavu 2. propisano da se Sarajevska pahuljica dodjeljuje u obliku diplome, uz novčanu nagradu čiji visinu utvrđuje gradonačelnik na početku svake budžetske godine.

Članovima 12. i 13. Odluke propisani su ovlašteni predlagači za dodjelu Priznanja i Nagrade (između ostalog i vijećnici Gradskog vijeća) i sadržaj prijedloga.

### **RAZLOZI DONOŠENJA**

Gradski vijećnik Adi Škaljić podnio je prijedlog da se grupi koju čine učenice i učenici Druge gimnazije Sarajevo, i to: Matea Šarkinović, Mona Husein, Soraja Salčin, Kamran Karić, Ammar Pašanović, Ian Lalić i Rijad Pejkušić, tim Druge gimnazije Sarajevo na STEM olimpijadi u Frankfurtu 2022., dodijeli priznanje „Sarajevska pahuljica“. Podneseni prijedlog sa obrazloženjem je u prilogu ove odluke.

Komisija za izbor i imenovanja Gradskog vijeća Grada Sarajeva je u skladu sa ovlaštenjem utvrđenim Odlukom o priznanjima i nagradi Grada Sarajeva („Službene novine Kantona Sarajevo“, br. 34/10 - Prečišćeni tekst, 14/14, 31/14, 11/20 i 16/22) razmotrila prijedlog, te utvrdila Prijedlog Odluke i uputila ga Gradskom vijeću na razmatranje.

### **RJEŠENJA IZ PREDLOŽENE ODLUKE**

Članom 1. se imenuje dobitnik Nagrade „Sarajevska pahuljica“.

Članom 2. se navodi da se Nagrada dodjeljuje u obliku diplome uz novčanu nagradu, dok se članom 3. navodi da se Nagrada uručuje na Svečanoj sjednici Gradskog vijeća Grada Sarajeva

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

### **SREDSTVA ZA PROVOĐENJE ODLUKE**

Sredstva za realizaciju ove odluke planiraju se u Budžetu Grada Sarajeva, a o visini Nagrade odlučuje Gradonačelnik u skladu sa članom 10. Odluke o priznanjima i nagradi Grada Sarajeva.